

## يوم البعاد

عارفه اننا هييجي يوم و نفرق

لكن بأجل في المعاد

عارفه الساعات من بين إيدينا بتسرق

و أنا بأحاول أنسى البعاد

ليالي تفوت و جوايا صوت

يوم بعد يوم في ازدياد

كل الي راح و طعم الجراح

معقول يهون بالاعتیاد

و يفضل سؤالي عايش في بالي

في كل لحظة يرجع يتعاد

قدر و مكتوب و لا منه هروب  
يا قلبي مش هيفيد العناد  
كنا حكاية و قبل البداية  
اترسمت نهاية قبل الميلاد  
و بأسأل زمني لو الشوق زارني  
و في البعد يوم لاقيته عاد  
هانادي عليك و مش هلاقيك  
و هلاقي ما بينا أسوار و بلاد  
آه عارفه و بأعمل مش حاسه  
و بأحاول أنسى يوم البعاد